



## Progèttu

### “LU GADDHURÉSU PA’ LI GADDHURÉSI”

Finanziatu da la:

- Legghji 482 di lu 1999, altìculi 9 e 15
- Legghji Regionali 22 di lu 2018 – annualità 2021



Comune di Telti



REGIONE AUTONOMA DE SARDIGNA  
REGIONE AUTONOMA DELLA SARDEGNA



## Registru Generali n. 2

# ULDINANZIA DI LU SINDACU N. 2 DI LA DÌ 5 DI GHJINNAGGHJU DI LU 2022

**Oggettu: RÉGULI ANTI CONTAGIU PA’ LA DIFFUSIÒNI DI LU COVID 19. SOSPENSIONI ATTINZIUNÀTA DI L’ATTIVITÀ DIDATTICHI IN PRESENZIA DI TUTTI LI SCÓLI DI DUGNA ÒLDINI E GRADU DI TELTI PA’ LA DÌ 7 DI GHJINNAGGHJU DI LU 2022.**

## LU SINDACU

**ATTÉSU** chi l’Organizzaziòni mondiali di la sanitài la dì 11 di malzu di lu 2020 à dichjaràtu chi l’epidemia di lu COVID-19 è un’emergenza di sanitài pubblica di rilevanzia internaziunali;

### VISTI:

- l’Uldinanza di lu Ministéru di lu Salutu di la dì 21 di friàgghju di lu 2020 “Altu réguli profilattichi contra la diffusiòni di la malatia infettiva COVID-19”;
- la circolare di lu Ministeru di lu Salutu ‘nnummaru 5443 di la dì 22 di friàgghju di lu 2020 aènti come oggettu: “COVID-2019. Nói indicazioni e chjarimènti”;
- l’abbundanzósu muntòni di legghji trattati a livellu nazionali contra a la diffusiòni di lu virus Covid19, pa’ ultimu li DPCM di la primma dì d’abbrili di lu 2021, di la dì 2 di malzu di lu 2021 e di la dì 14 di ghjinnàgghju di lu 2021 chi richjama l’allegati trattati prima cun li DPCM di la dì 11 di làmpata di lu 2020, di la dì 7 d’austu, di la dì 7 di capidanni, di la dì 7 di santigàini, di la dì 24 di santigàini e di la dì 3 di santandria di lu 2020, di la dì 3 di natali di lu 2020 e di la dì 14 di ghjinnàgghju di lu 2021;
- tutti l’uldinanzi bucàti da lu Presidenti di la Regioni Autonoma di la Saldìgna contra a la diffusiòni di lu Covid 19;
- lu DECRETU-LEGGHJI di la dì 24 di natali di lu 2021, ‘nnummaru 221 Dilaziòni di lu statu di

emergenza nazionali e altu legghji pa' trattiné la diffusiòni di l'epidemia da lu COVID-19. (21G00244) ([GU Serie Generale n.305 del 24-12-2021](#))

## **RICHJAMATI**

- la Circolare di lu Ministeru di lu Salutu di la dì 30 di natali di lu 2021, aènti come oggettù “Aggiornamentu innantu a li réguli di carantèna e sulitài dapói di la diffusiòni a in tuttu lu mundu di la nóa varianti VOC SARS-CoV-2 Omicron (B.1.1.529)”;
- lu cumunicatu di lu Silvìziu di Igiene e Sanitài Pubblica di lu Dipaltimentu di Prevenziòni di Tramuntàna di l'ATS Saldigna di la dì 31 di natali di lu 2021, chi cuntèni “Raccomandaziòni di lu sisp zona tramuntana a tutta la popolaziòni” chi dichjara “la situaziòni d'abàli di espansiòni folti di la culva epidemica, sustinuta da la nóa varianti omicron, prevalènti illu territoriu (60% di casi nói) e caratterizzata da un altu indici di contagiositài”;

**CUNSIDARÀTU** chi in accordu cun lu Silvìziu di Igiene e Sanitài Pubblica di lu Dipaltimentu di Prevenzioni di Tramuntàna di l'ATS Saldigna è in dissìgnu unu screening generali rivoltu a tutti l'alunni di li scóli di dugna òldini e gradu di lu Cumuni, di fà illi ciurràti chi venini e in dugna casuentru sàbbatu, la dì 8 di ghjinnàghju di lu 2022;

**RITINUTU**, pa' siguranza, come régula di livellu locali pa' cuntiné ancóa di più l'emergenza epidemiologica d'abàli, piddhà disposiziòni di suspensiòni di l'attivitài didattichi in presenza di tutti li scóli di dugna òldini e gradu di Telti, la dì 7 di ghjinnàghju di lu 2022, cun lu scoppu di pudé garantì un rientru in sigurèsa e discansà la comunitài scolastica mattessi da rapprisintà un potenziali focolaiu di diffusiòni epidemiologica;

**VALUTATU**, pal chissu, chi:

- vi s'iani li presuppòsti pa' l'adoziòni di un'uldinanza di caratteri contingibili e di fà in pressa, pa' privinì prìculi cuncretti pa' l'incolumitài di lu salutu publicu;
- in palticulari, risulta nizissaria l'adoziòni di provvedimenti pa' assigurà illu mumentu e più in pressa pussibbili la tutela di l'interèssi pubblici, come l'interèssu a lu salutu di la popolazioni scolastica, chi in rasgiòni di la situaziòni di emergenza àni di stà galdàti cunfòlma a cantu sèlvi;
- la popolaziòni scolastica pó esse sugghjèta a contagiù, vista la palticulari diffusiòni di la varianti omicron in sugghjètti più minóri di 18 anni;
- chisti pruvvedimènti sò distinati pa' la só natura a aé efficacia finza a lu mumentu chi compraràni li cundiziòni e li rasgiòni di urgenza chi ni rendini nizissaria l'adoziòni;

**DATU ATTU** chi li pruvvidimènti sindacali, in linea cun li pruvvidimènti nazionali e regionali, si pòninì l'obbiettivu di caratteri generali di cansà lu nascì di riuniòni di passòni e, più in generali, di cansà dugna ocasiòni di pussibbili contagiù pa' galdà lu salutu publicu;

**DATU ATTU** chi in casu di emergenzi sanitari e di igieni pubblica, a li sensi di l'altìcculu 32 di la legghji 'nnummaru 833 di lu 1978 e di l'altìcculu 117 di lu Decretu Legislativu 'nnummaru 112 di lu 1998, l'uldinanzi cuntinibbili e di fà in pressa illu territoriu cumunali sò trattati da lu Sindacu, come rappresentanti di la cumunitài di lu lócu;

**RICHJAMATU** lu Decretu Legislativu 'nnummaru 267 di la dì 18 d'aùstu di lu 2000 e, in palticulari, l'altìcculu 50, comma 5;

**RITINUTU** chi tocca intilviné cun lu strumentu di l'Uldinanza, cun lu scòppu di middhurà lu più pussibbili l'effetti di li réguli ghjà trattati a livellu governativu, illu territoriu cumunali e pa' lu salutu di li zittadini chi è lu intarèssu più impultanti;

**VISTU** lu Decretu Legislativu di la dì 18 d'aùstu di lu 2000 'nnummaru 267 e in palticculari l'altìcculu 50 comma 5 chi spiega 'attribuzioni di lu Sindacu innantu a lu trattà di pruvvedimenti cuntingibili e di fà in pressa in casu di emergenza sanitaria;

**VISTU** lu Statutu Cumunali;

### **ULDINÌGGHJA**

Pa' li muttìi indicati e discritti a innanzi chi chici si intendini integralmenti **la suspinsioni di l'attivitài didattichi in presenza di tutti li scòli di dugna òldini e grado di Telti pa' la dì 7 di ghjinnàghju di lu 2022**, francu nò e diffarènti dispusiziòni, cun lu scòppu di garantì cun unu screening generali la riprèsa in siguresa di li lezioni in presenza;

### **DUMMANDA**

A la Ghjustizia (Pulizia Municipali, Folzi di l'Oldini) lu cumpùtu innantu a lu rispettu di la presenti uldinanzia.

### **DISPÒNI**

Chi una coppia di la presenti uldinanzia sia pubblicata illu sittu web cumunali e ill'albu pretoriu a li sensi di l'altìcculu 8, comma 3 Legghji 241 di lu 1990, e trasmessa:

- a lu Dirigenti Scolasticu di l'Istitutu Cumprensivu;
- Pulizia Municipali, SEDI;
- A l'A.T.S. Saldìgna – Silvìziu Igieni e Sanitài Pubblica di Tarranóa
- Carabbinéri ,stss233540@carabinieri.it;
- Prefettura, Ufficiu territoriali di lu Guvernu, Piazza d'Italia n.31, Sassari, protocollo.prefss@pec.interno.it;

### **AVVÈLTI**

Chi lu mancatu rispettu di li presenti réguli di cuntinimentu, vèni castigatu cun la sanziòni amministrativa di lu pacamèntu di una somma da 400 a 3.000 euro a li sensi di l'altìcculu 4, Decretu Legislativu 'nnummaru 19 di la dì 24 di malzu di lu 2020.

Chi contra a lu presenti pruvvedimentu pó esse fattu ricursu a lu Tribunali Amministrativu di la Regioni Saldìgna entru 60 dì da la nuttifica o in dugna casu, da la piena cunniscenza di lu mattèssi, oppure come altu scióaru, ricursu straoldinariu a lu Presidenti di la Repubblica, entru li 120 dì da la nuttifica o da la piena cunniscenza di lu pruvvedimentu mattèssi.

Lettu e sottuscrittu in irrégula cun la legghji.

LU SINDACU

F.to Geom. DUMINICU 'ITTORIU PINDUCCIU

(doc. sottuscrittu cun filma digitali a li sensi di l'altìcculu 21 di lu Decretu Legislativu 82 di lu 2005)